

續修陝西省通志稿

第一百十八冊

卷二百二十

續修陝西通志稿卷二百二十

文徵二十

詩四

毛亞萇

字漢詩三原縣人咸豐時歲貢生候選訓導著有愛吾廬詩集八卷愛蓮詩話二卷

述古

眞是伯溫兒煌煌天語貴一字挾風霜千秋猶悚悸忠過嘯虎昆
烈比臥龍嗣松柏無弱植桃李多春意堪羨丹桂枝柯葉無改易
可憐樗櫟材繩墨無所試

書董夫子天人策後

毛亞萇

祖龍焚詩書孔孟道已喪刑名簧鼓時綱常盡欺誑天未喪斯文
篤生江都相三策究天人初日青霄上返樸乃歸眞黜霸自興王
千秋萬歲間聖道明無障

老柏

毛亞萇

不受雪霜侵青松同一林乾坤千尺幹日月百年心殷代社成古
武侯祠到今大材蟠厚力曠達寄高吟

寒夜

毛亞萇

寒夜靜無聲衰年愁緒縈雪霜兩鬢迫關隴幾時清暗暗蟾猶待
奄奄蛇且更茶然身世感不寐聽鷄鳴

遣興

毛亞萇

三月錦城春詩情客子新萬家沽酒市一路賣花人地闊連梁益
天寬覆蜀秦閒來吟杜句披豁契吾真

復館街子村

毛亞萇

地憶曾遊處人思再結緣菑畬無限好桃李有餘妍談學三生幸
論文千載前東風吹綠草樂趣自陶然

除日

毛亞萇

方寸常懷萬緒愁窮途浩浩歎無休風塵混迹誰青眼時序催人
易白頭片片閒雲歸遠岫匆匆夕照返荒邱相逢寡合悲身世况
復今宵歲不留

讀駱文忠公年譜

毛亞萇

西南烽火蔽崇巒獨坐紆籌力已殫十載肅清湘水靜五年鞏固
蜀山安盛才陽濟軍容整疊陣吳璘賊膽寒譜系于今披讀處口
碑不盡淚洑瀾

癸酉元日感懷

毛亞萇

一律青陽轉秀巖十年離亂掃天機吟詩漸覺調宮羽飲酒真堪
立史監在室桂蘭宜自養當門蒿艾早爲芟徒傷老大名難就也
聽銀旛笑阿咸

九日感懷

毛亞萇

亂餘逢節倍添愁
雨葉風枝攪未休
滿地黃花看不盡
道光二十

五年秋

自注甲辰乙巳間友人蒔菊百種秋來書舍燻燻可賞

送春二首

毛亞萇

黃鶯織柳絲絲舞
紫燕穿花剪剪飛
九十韶光將盡日
不知何處

覓春暉

春風相別動經年
處處鶯花故故憐
一寸光陰容易過
十分心事

向誰傳

明宮詞

毛亞萇

三千掃雪輪番淨
五百揀花取次新
獨有觀花殿中雪
掃除不去

是長春

自注野獲編大內雪後京營撥三千人掃雪輪番出入每歲俱然南京舊制有揀花舍人額設五百人蓋供宗廟薦

新及玉食膳鯨之用又四神祠有觀花殿更永寧宮曰長春宮

英華殿裏菩提樹聞道九蓮菩薩栽百歲慈容崇祀日圓瑩可有

佛珠來

自注瑩天啓宮詞作英華殿菩提樹兩所植太后上賓神廟上落瑩潤圓整可作佛珠為李太后所植太后上賓神廟上

尊號曰九蓮著薩殿慈容于樹北之別殿

山中貢採真談虎君側逢迎總插貂只聽東華門內語皇恩橋作

忘恩橋

自注區大相詩貢採山川謁徵中官初入選進東華門內權不與君側惡常清客窗偶談中官初入選進東華門內

有皇恩橋俗呼忘恩橋以中官既貴必響所生蓋恥之也

皺劈飛雲復結煙遂呼天下老神仙丹青真個留心賞髹竹何時

祕輞川

自注明良記孝宗於仁智殿觀鐘欽禮作畫見其皺劈動從背後久立忽捋髮大呼曰天下老神仙國史唯疑大

內後門有丹漆巨槌一中藏一枝此屏不知幾年偶墮地破乃髹竹中藏一枝此屏不知幾年

甕繭親繅蠶女室條桑高拂兔兒山金根車過昭和殿十七娥貓

擁翠鬢

自注嘉靖祀典九年二月皇親蠶點差採桑命婦一七人夏言詩昭和殿枕兔兒山春日曾留聖主歡皇甫

蠶室成詩娥貓御王母玉佩降瑤池

樂伎女兒習樂歌西華歡幸竟如何內宮自領中軍隊別殿應呼

黑老婆良自注退食筆記騰喜殿用黑琉璃瓦武宗實錄上好武特設東

西兩官廳於禁中視團營又自領

霞蔚雲蒸太液池金鰲玉螭蟠虬螭羣仙夜奏通明殿十里湖光

一道移雲自注耳談西內海子即太液池有斗牛即虬螭類遇雨作

山後何在湖破裂是一夜聞跋浪跳擲之

弓樣月眉月樣弓鳳衫窄窄粉添紅仙娥列隊依回鵲天子折衝

慣當熊自注弇州山人集正德宮詞窄衫盤鳳稱身裁玉靶

吳錫岱用字魯瞻乾州人道光癸卯舉人咸豐壬子進士直隸即

狄梁公祠

唐室有良輔忠懷何太苦當時政已非臨朝乃女主適公位其間
奸邪莫能侮守正本不阿模稜非其伍東宮歎廢遷改李將為武

母子暗調停袞闕惟公補一語暗回天姑非姪所祖前星隱復輝
中天得再覩寄命並託孤相業高房杜况公政治精淫祠焚江浦
桃李植公門黨援非所樹睠懷倍神馳心香然一縷大節炳日星
安能僕僕數虎拜祝祠前神靈保斯土

寶氏雙節崖

吳錫岱

正氣滿乾坤芝醴無根源烈哉寶氏女千古兩貞媛芳體如冰潔
畏賊先引決懸崖百丈深姊妹花成血珠玉痛摧殘聞者爲心酸
同懷共義氣苦節乃不單崖前草不碧土色盡爲赤一死重如山
男子遜巾幗

岳鄂王祠

吳錫岱

朱仙鎮上陣雲黑三軍奮勇爭殺賊十年辛苦費經營誓將滅此
而朝食豈知金牌來十二垂成之功一旦棄萬騎南旋枉痛心兩

宮北望空揮淚我聞古人有軍令將在外不受君命胡不直搗黃
龍府迎回二帝蘇萬姓而後解甲謝君前不敢逃刑軀願捐此時
縱死應無悔不致遺恨千百年吁嗟此舉亦快意特恐人譏臣專
權況有奸相伺其短趨歸急急敢遷延朝廷從此不用兵甘心事
虜和議成翻忌威名驚敵國遽興冤獄壞長城雖曰賊檜殺將軍
高宗何竟漠不聞頓使倉皇傾大樹西冷荒草埋孤墳風塵擾攘
游緝控道出湯陰渾似夢幸瞻遺像欽英風殿前戴拜有餘痛

題畫

吳錫岱

生綃一幅剪裁工凜凜松崖怒吼風漢室何須求故劍楚人原許
得遺弓書聲捲入寒濤裏棋局安來夕照中楓樹儼從堂上見題
詩不信杜陵翁

壽寶鷄李明府

吳錫岱

丹桂初芳月正圓碧鷄山下敞瓊筵王喬每見飛雙鳥劉寵何曾
濫一錢棠舍風清無犬吠蘭陔日暖喜鶯遷自注公前
新得同知子茂陵人亦

躋堂祝兩地謳思譜管絃自注公前
任興平

班婕妤

吳錫岱

秋風時節最銷魂記得君王雨露恩每到團圓明月夜卻將長信
當長門

宏道堂八詠呈路鸞洲夫子四錄

吳錫岱

雨後嵯峨遠黛橫捲簾嵐氣撲前楹看山應悟行文訣天外奇峰

勢不平嵯峨山房

廉讓端宜此地稱一潭門外碧渟澄鹿原秋雨奔流急何事觀濤

向廣陵清谷草堂

中天皎皎月輪孤招得清光入座無萬籟無聲庭似水三生只合

住冰壺

明月庵

灑灑仙風滌素襟晴窗恰對古桐陰停琴未見成連迹且向三山

畫裏尋

清風軒

許時

字子進中涇陽縣人咸豐壬子官翰林院編修

柏齋圖寫成並賦

洗出新竹半攬空霜皮溜雨溼青銅愛他階下一雙立相對無言

老愈恭

不怨空山老此材風饕雪虐意恢恢他時大廈資梁棟記取曾經物色來

竊兵符

許時

羈軍糶下萬貔貅玉貌紅顏一種愁妾自不甘秦帝號可憐公子道恩仇

懷清台

許時

臺下山川失祖龍
臺邊高臥足清風
史遷亂例真兒戲
竟使名留貨殖中

題女史吟詞

許時

鳳鸞天半奏雲和
似說人間好事多
招得姬姜魂魄至
神巫踏遍

柘枝歌

雨頭雜俎接風騷
多少兒童篆刻勞
解識張王真意在
鐵厓樂府

尚粗豪

姚樹年

涇陽縣人 咸豐壬子舉人

水仙花

靜夜滌塵氛
湘簾透明月
道士宅其中
鼓琴正清絕
飄忽微風來
幽香時可撥
如怨復如慕
脉脉深情結
蘋藻質不馨
芰荷遜清潔

續陝西通志卷二百二十一
况乃富貴花徒共俗眼悅持此謝衆芳永全海上節

遣興

姚樹年

人生貴適志豈效轅下駒軒冕身外物敝屣良不如矧今東南隅
半爲豺虎居蟲沙與猿鶴一例成邱墟憶昔客春明仰借華風嘯
一朝不遂意拂袖歸蓬廬村沽饒美醞野圃足嘉蔬兒童習絃誦
父老課耕鋤游談遠朝市娛樂誠有餘無爲黑貂敝徒爾上十書

感時

姚樹年

編戶征徭苦中原戰伐勞諸君半猿鶴我輩且蓬蒿暮色驚遙燧
愁心付濁醪終當勤廟算一爲滌腥臊

村郊薄暮

姚樹年

好風如好友招我出荆扉麥熟黃猶淺槐圓綠正肥山銜殘照入
鳥帶斷雲飛四面農歌裏悠然欲忘歸

雜詩

姚樹年

小鳥唬回午夢闌
花枝妥貼竹平安
無因機事紛紛出
拋卻碁枰不忍看

籌邊幾輩枉談兵
入幕諸君浪得名
能使黃巾遙下拜
世間誰似鄭康成

蝸牛負重空遺蛻
蝨蝨緣高自隕軀
細向物情參出處
始知躁進是危途

李

棠

字蔭南
涇陽縣人
咸豐乙卯舉人

花門之變與三原
令余葵階守城苦
潦一旬不能假寐
遣愁

牽成七絕四首

二錄

黑雲萬疊壓城樓
夜雨哀鳴鼓角秋
苦潦匝旬今又過
聲聲打破此心頭

續陝西通志卷二百二十
賊梯已造欲來過幾輩英雄喚奈何果使嬰城牢拒守跳梁豺虎
自投羅

亂後感時事

李棠

天道茫茫遠人情下下流國家多難日身世奈何秋善竟遭凶報
恩翻以怨投誰提三尺劍與子賦同仇

李應莘

字稼門延川縣人咸豐乙卯舉人丙辰進士官河南候補知府著有雙桐書屋詩牘七卷專蹟具人物本傳

雜感

日晚市集散徒衆爭趨歸擾擾名利人至此來往稀月出羣動寂
掩臥息塵機賴此夜氣養真體存幾微雞鳴振衣起坐待朝光晞
出門各有圖意念紛乖違百年苦迫促安辨是與非

不知何代墓翁仲臥道旁相彼馬鬣封闕閱非尋常子孫既式微
叢塚同荒涼牧童踞其巔摩肱升牛羊狐兔起豐草驚竄殊跳梁

迤東有新阡松柏鬱蒼蒼借問誰家墳有子尙書郎嗟無象賢人
誰迪前人光

東鄰有嬌女容止殊窈窕吐辭清且妍秀色餐可飽饑驅走京師
三載迹如掃昨歸偶見之有子已在抱昔時如花人相逢半枯槁
歎息攬明鏡朱顏亦非好

兩馬同一櫪痛癢若相需朝夕共芻秣不忍離須臾一馬矜捷足
騰躑向天衢一馬望弗及哀鳴歧路隅豈不憚鞭策念羣意踟蹰
人生不相見安得長歡娛

森森山上柏百尺干雲霄依依澗底籐宛轉附柔條高下本非匹
締固勝漆膠風霜不可殺雨雪不能凋惜哉凌雲姿坐見英華銷
君子慎所因視此天與喬

平原既好士士亦歸平原盟楚脫新穎帝秦折狂言黃金結駟騎

睥睨諸侯尊一朝大廈傾冷落餘朱門平時珠履客幾輩還過存
所貴天下士當報地下恩誰澆趙州土卮酒何足論

新安題壁

李應莘

新安城南殺聲起二十萬人同日死誰令反側不自安咄哉失計
重瞳子秦軍勇銳天下強用之猶足拒漢王三秦兵弱漢兵盛不
待垓下天已亡三章約法父老喜此乃坑殺其弟子一仁一暴強
弱分扛鼎拔山亦徒耳秦皇重武方坑儒羽坑秦卒仍無辜英雄
舉事類鹵莽適爲王者爭驅除嗟乎長平坑趙四十萬即假羽手
殺其半誰言天道無好還立馬臨歧爲三歎

慶伯同年九日招遊西山歸賦長句并呈同遊諸君子

李應莘

燕京形勢雄都會九陌逢迎盡冠蓋十丈紅塵壓頂高誰能放眼

乾坤外巴陵太守清且閒招我九日遊西山坐中朋輩約四五畫
境直欲窮荆關便門西出飛塵鞅投宿靈光寺鐘送松杉漠漠龍
王堂嵐翠沉沉寶珠洞捫蘿坐石心顏開磴道百折行紆迴徑登
閣頂望空闕皓月一片清光來歸途高下石嶙嶸談笑訇然應崖
壑老僧把火童候門遙夜如年動清酌憶昔青門載酒行宵深抵
足談縱橫不知今夕復何夕依然十載聯牀情五更片月照松嶺
滿窗淡拂流雲影砌蟲苦雨秋露清山鳥驚曉曙烟冷此時境寂
塵心涼談天說鬼聲琅琅天鷄忽唱紙窗白爽氣直入山僧房秘
魔崖踞茲山勝登臨更愜同遊興幾杖筇杖撥荒煙一道籐蘿入
幽徑題崖大字兼篆分坐見海日起朝雲滿山黃葉一長嘯揮手
欲招鸞鶴羣歸來飽噉僧厨飯前輩風流說文獻

自注吳穀人先生有遊西山記

都門咫尺仍回車幾時始遂煙霞願來日少兮去日多我今不惜

續陝西通志補 卷二百二
爲長歌重陽自古苦風雨似此清遊能幾何

舟行即事

李應莘

細雨斜風裏春帆掛渺茫
草深江影碧山古石稜蒼
雪浪催舟急煙村抱水長
桃花兩三樹清福羨漁郎

由水改陸途次口占

李應莘

纔託風塵迹淒然便憶家
絮雲輕似鶴拳石小於鴉
窄徑穿芳草疏簾入野花
江洲今夜月相照又天涯

屯留道中

李應莘

萬疊荒山裏村名半不知
募錢僧有磬沽酒市無旗
石潤雲飛近峰高日上遲
顛崖見陶穴脈脈起鄉思

由成都之廣漢作

李應莘

飲盡旗亭酒百杯壯遊心事未全灰
官橋綠草隨人去驛路紅塵

逐馬來別後看花都是淚天涯爲客亦須才
殷勤試問隄邊柳折得長條又幾回

袁

澄

字秋潭三原縣人咸豐時
恩貢生官華陰縣教諭

華陰學署花木

十二首
錄四

佳種居然什襲藏怕經風雪與冰霜療飢已藉三峰色破悶還資

七里香

木香

漢使西還果種珍夜光杯映甕頭春幸無馬上琵琶促愁緒應消

醉臥人

葡萄

環化吳宮火照臺花間結子玉成胎一官老大閒無事且擬經霜

把酒杯

石榴

莫笑廣文生計艱寒氈擁處即銅山白榆鼓鑄青天上萬箇飛蚨

煙雨間

榆

擬古詩

袁澄

疇昔掩卷長太息斗米千錢人相食誰非黃農虞夏之子孫忍令
流離瑣尾餒游魂而今萬井絕炊煙一斗米五千錢三秦糜爛已
七年餓殍累累通衢眠豺虎磨牙礪爪口流涎我知盜跖覩此應
潸然潸然泣下不能止又見路旁鵠面鳩形鬻妻子妻子爭裂鬻
身紙不願獨生願同死吁嗟乎胡不忍死須臾拭目看元戎爲汝
據征鞍汝不見東西府南北山飛芻挽粟路漫漫車敗馬瘖暑又
寒百萬貔貅正飽餐

徐韋佩

字紉安涇陽縣人法績之孫咸豐戊午舉人官甘肅
寧夏府知府著有詩集事蹟附人物徐法績本傳

閒吟

百忙求一閒其閒誠偶然閒中若復忙忙果何日捐閒忙互乘除
得閒還我天憶昨領儲胥駝馬盈萬千左手方持籌右手仍揮鞭

簿書更填壓鉤稽吾職專治絲如再焚咎將誰歸焉况逢桑宏羊
利析秋毫顛谷有虎磨牙林有蛇垂涎黃熊排寢門踔厲更無前
拔劍劍如蒲抽刀刀如鉛自非師柔弱得不禍患延今我非昔我
往事皆雲烟借問觸藩羊何如吟露蟬詩成月當戶伸脚且安眠

金塔蝗

徐韋佩

去年冬雪不盈尺百蟲未死蘆根黃今年春雨復霏微四月大麥
初抽芒大麥未收晚稻短旱蝗復起王子莊蝻子蠕蠕宜撲滅坐
令生翅紛飛揚可憐百姓對蝗哭一落萬頃如秋霜湘陰使相念
民瘼中夜數起思徬徨驅兵捕蝗如捕賊撞金伐鼓揚麾幢滿坑
滿谷火具舉死者未已生者翔天災物害胡堪委大臣有咎調陰
陽忍使民饑縱蝗飽時議頗坐官無良西陲干戈况未息黃狐白
狐爭跳梁蝗乎蝗乎我心傷

郭

固

字達夫涇陽縣人咸豐時諸生以詠梅花死於同治初元回變之難詳見鄭谷詩存

題雲仙圖

引有

楊梅友常夢參二小鳥其一為人別日飼之化二美女成

姻育子仕宦病亡忽又化為鳥棲巢啣卵一枕盧生邯鄲

道中也作記寫圖題者甚衆

蓮花峰上曳孤筇四海茫茫一寓公拚得沈郎多幻想一時腸斷

翠微宮

高人畢竟是情癡霧鬢雲鬟有所思底事憐才到仙子世間多少

莽男兒

一輪明月麗瑤臺姊妹花濃並蒂開聞到鶉絃新續得應同相識

燕歸來

楊樹椿

字仁甫十一字損齋朝邑縣人咸豐時諸生著有損齋文鈔十五卷外集鈔一卷事蹟具人物列傳

讀書

當代崇考據漢學復追尋六經賴羽翼胡乃干戈侵辨駁極毫髮
罅隙如芒鍼頃刻羅萬卷誰能窺淵深遂令中材人目眩口亦暗
二千餘年後坑灰拾銷沈或嚼空螯蟹或揀沙中金縱獲蹟屑利
功效終不任聖賢日益遠學術遂至今不如玩微妙可以養我心

勵志

楊樹椿

三十五男兒操行乃多悔即此慚寸心便已負千載昔吾聞師訓
立志不可改胡爲竟游移隕越誰之罪舟楫不堅牢飄飄渡大海
中流多風波前程吾其殆詩人感鳴鳩嗚呼明發待先人不可作
往哲羣言在

治陽奇男子歌

楊樹椿

回紇殺人滿關輔血染秦川半赤土方伯連帥如不聞救時乃有

楊萬古萬古醫者一細民慷慨流涕辭老親孤身北走燕山道手
把哀書叩紫宸紫宸高高九萬里惜哉無文亦徒爾歸來又欲謁
將軍真是天下奇男子行矣急救斯民冤成敗尙有天意存紫陽
綱目武侯集遲爾他年細討論

過驪山

楊樹椿

驅馬櫟陽道當年輦路通香泉溫繡嶺細雨溼新豐松柏非秦樹
山河自漢宮前朝無限事秋靄暮煙中

謁二忠祠

祀唐張巡明鐵鉉
二公均南陽人

楊樹椿

孤城一旅捍神州烈焰滔天志未酬前代江山無尺寸故鄉俎豆

有春秋中原塗炭思名將正學荒涼慨勝遊自注祠為明郡守蘭
州容思段公志學書

院廢址改建當
時學者五百人千里書生來下拜梅溪嗚咽至今流

謝柳王二道士

楊樹椿

正德風流許再攀

自注謂對山漢

椽林深處叩元關自稱太華

三峰客來看前朝二曲山出世何方逃寇盜讀書隨地得幽閒仙

家白飯青芝好慚愧年衰闕道顏

柏景偉

字子俊長安縣人咸豐乙卯舉人官定邊縣教諭慶西

草堂集八卷事蹟具人物本傳

東歸

濺濺汧水流鬱鬱隴山色從軍人歸來倚馬行得得偶貰一壺酒
斜掛錦鞍側故鄉風物好客心一何憚卻念時事艱西顧空太息

漫詠

柏景偉

潭水瑩澄清霜肅冰氣薄寒月照中心浩然塵翳豁尋幽步空林
風定殘葉落夜久寂無人俯仰慰寥廓羨彼潭中鷗泛泛得所託
炎熱未堪附清冷自為樂世路有顯晦達人志淡泊鷗兮即吾友

續陝西通志高 卷二百二十 文徵二十 一三

舊盟憶如昨興來一弄笛響徹白雲遏知音難再期渺渺天邊鶴

田家雜興

柏景偉

木以不材壽玉以在璞完君子貴儉德榮祿胡可干澗松何鬱鬱
巖柏何盤盤豈不雪霜侵而能保歲寒華靡衆所趨寂枯性所安
厲此千秋節俯仰天地寬

種桃百餘樹繞屋盡流霞頗有武陵意春風不繁華養疴仍閉戶
枯坐類趺跏寧閔金玉音地鄙心自遐南山轉蒼翠清氣撲檐牙
偶出看白雲渾忘日色斜鄰叟隴頭過殷勤問桑麻

從軍怨

柏景偉

莫謂生別難瑤京獻賦多流連衣錦歸來月重圓莫謂死別苦青
羸不返芙蓉主直攀鶴駕共歌舞最苦最難從軍時生別離即死
別離君生妾未知朝朝哭君望天涯君死妾未曉夜夜夢君長安

道噫吁噓生別死別總魂銷朔雪慘兮朔風號裁得征衣無人寄
年年血淚盈剪刀

述懷

柏景偉

浩劫消難盡浮生感易并艱危餘壯志憂患見交情知己屣誰倒
驚人劍欲鳴卻嫌唐杜牧何事苦談兵

感賦

柏景偉

南國烽煙久未銷西京村落更蕭條自來良馬懷千里豈有神鷹
忘九霄萬笏青山橫槩對一輪明月舉杯邀艱難國計英明主誰
辦中興翊聖朝

行經黃家屯

渭南縣在

陳緯山故人戰亡處感賦

柏景偉

與君共計殲羣醜我甫歸來君竟亡

自注時余會試初歸

周處無援終是恨

田橫有士未應殤

自注君為忌者所逼獨率壯士追賊卒以無救戰沒五百人無一生還者

一腔熱血

勤王志書自注大府咸豐十年文宗北狩君上行半畝荒墳苦戰場自注於

戰地萃陣亡各骨埋一大地塚今竟刻平矣聞說義骸收未得朔風吹雪淚凝裳

行經峴山

柏景偉

峴峯遙望草萋萋叔子風流誰與齊我對青山暗垂淚傷心不獨

為殘碑

若耶溪

若耶溪畔鄭公風暮去朝來日日同鶴使飛歸無覓處到今人說

采薪翁

賀瑞麟字復齋二十卷學生三原縣人咸豐間恩貢生著復齋詩文集

遊靈臺作

秋晚南山陰曉行傍豐水訪舊來周京靈臺尋故址西風黍離悲
借友適憇此徘徊詠雅什遐情生遙企庶民歌子來父母真孔邇

囿沼環其側魚鳥亦欣喜世德仰作人鼓鐘懷前軌每慚百代下
不爲辟靡士惜哉周道衰蒿日滿瘡痍凍餒復焉往草舍獨棲止
自注內有草屋難民止宿聖學久無傳棧樸誰興起豈知敬止功關睢應麟趾
民風兼儒術登高竊內恥猗歟太和休心渴何能已

遊太平峪訪明道先生遺跡

賀瑞麟

明道遺踪此地傳太平峪口萬花前奔流波浪爭趨海矗立巉巖
欲倚天霽月初更東嶺出危橋百丈半空懸祇嫌未到深山裏雲
際峯頭枕石眠

高冠峪龍潭用明道先生韻

賀瑞麟

千巖晴靄曉光紅來看龍潭第一峰崖噴怒濤飛冷雨壑懸怪石
吼陰風驚疑天地斡旋日指顧雲雷變化中便是出山潤枯槁淵
泉深溥不論功

漢陂

賀瑞麟

鄂杜城西古漢陂徵歌載酒泛舟時世事滄桑經幾變新篁空翠

杜公祠

楊秀芝

自字梅友三原縣人咸豐時諸生有女樂册一卷已付刊
署所吟有因地因事因年共二十餘册原獻詩錄載

其詩一百
餘首云

擬古二首

明月流素景照我樓中姝寶玉璨雜佩被服繡羅襦新粧薄脂粉
顏色自然殊阿母憐嬌小視我逾掌珠蹇修不時至慎重未輕兪
愛身良不苟日月忽我徂遣嫁豈獨難令德誠所須謝彼亭華子
安用效區區

幽蘭在空谷無人自芬芳蕭艾生道周過者多踐傷幽蘭為蕭艾
亦復棄路傍物美宜自保人淑貴自強慨然念往古好修以為常

過復齋兄魯橋北新居

楊秀芝

清涼古原北我友新築廬十里遠相訪酷熱孟秋初蟬聲亂高樹
禾黍盈畝畚清流咫尺間樂羨游波魚入門絕塵擾工匠尙拮据
土室八九窟宛然上古居屋西甘澤來降雨方決渠足下魯橋水
灌溉多嘉蔬此中寄貞隱考槃良不如助之結繩牀高臥南州徐
復似雲谷裏晦菴辭官餘所望無遐心玉音常啓予

貞隱

楊秀芝

貞隱不絕俗我慕陶靖節甘辭彭澤榮歸去志早決妻如萊婦賢
力耕昔守拙身微後乃昌五男粲成列尙留責子詩爲計何屑屑
我年逾商瞿慰情女亦絕四窮爲獨民六極免惡折靜窺造物心
將毋忌高潔華嶽千仞岡太白萬年雪儵然出世姿自與塵境別
豈不知同流素心厭附熱引領望太平仗茲救時傑西土復樂郊

北山清餘孽安居讀我書沈憂變歡悅

聞變

楊秀芝

二百年天下無人不戴恩一朝竟出狩萬恨欲何言氣慘乾坤塞

塵蒙日月昏英雄埋草澤誰為救中原

誰覆皇圖固傳聞恐未真江山愁浩劫草莽泣孤臣縱有丹心在

難忘白髮親安能千日醉醒作太平民

訪鄭谷子

楊秀芝

春寒餘雪作冰花薺麥青青野徑斜一曲小橋流水外東風送到

故人家

趙元中

字乾生渭南縣人咸豐貢生官詹事府主簿著
有影藻山房吟餘詩一卷事蹟具人物本傳

禽言

引有

光緒丁丑秦境大稜目擊飢黎苦况慘不忍觀越二十餘

稔至庚子辛丑之歲饑饉荐臻道殣相望殆有甚焉爰仿
前人禽言之製得若干首以寫我憂

布穀布穀亭亭踈鳥到北陸去年亢旱穀不收今年失時穀難熟
登場納稼日覺遲坐食倉空日何速胼胝豈敢憚勞碌急布穀
得過且過號寒莫怨天折挫雪中上距雞無聊泥裏縮頭龜忍餓
早知今日苦多般爭似當初翎不破人間蕩子萬千箇大都是得
過且過

綿蠻綿蠻鳥嘯亦似悲痾瘵饕餮不得藜藿飽肺腑誰如鐵石頑
九轉腸縈黃河曲五更魂斷北邙山回頭何處是鄉關只聽得綿
蠻綿蠻

泥滑滑淒風苦雨日敲憂淋漓身似落湯雞顛踣行如醉酒獺地
淖空著阮孚鞋食艱誰投陳遵轄步履前途須慎審端的泥滑滑

旋黃旋穫登隴度阡休耽攔服物早經典賣空延命僅茲田負郭
全家子婦具腰鎌得升則升合則合來牟畢竟勝藜藿且旋黃旋
穫

快快插禾知時好雨豈能多微膏不耐驕陽暴遲誤其如枯燥何
隴畔耕人方播種縣中猾吏早催科迫不及待敢蹉跎不得不快
快插禾

喚起喚起凍餒顛連伊胡底閉門僵臥弗知人蒙袂垂頭只怨己
官家賑饑施粥糜扶老攜幼呼鄰里我輩庶幾得生矣快快喚起
春起也春去也無限情思春引惹計從萌動雪初消直到麥花盈
四野當此青黃不接時流民之圖誰爲寫寄語當道牧民者可知
道春起也春去也

子歸子歸雛兒說與阿爺知幾見守株能待兔從來畫餅不充飢

何若同兒歸故國宗親猶可望扶持異鄉苦况憐老誰從子歸聽
子規

田

澍

長安縣人咸豐乙卯舉人官
鳳縣教諭事蹟具鳳縣新志

大雪過秦嶺

鳳嶺崔巍逼星斗輿夫擁我上天走凜凜北風撲面來陣陣冷雲
飛滿口飛雲不動萬壑寒微霰淅瀝灑雲端徑仄石滑正愁絕大
雪如掌增奇觀回頭卻顧驚魂起下視茫茫無底止一片瓊瑤似
海鋪分明人在玉山裏高低橫斜盡銀裝目眩心搖飛絮狂卻怪
九苞迷彩色一時都成白鳳凰行行已到山之巔舉頭眞成尺五
天借問天公何相戲遍撒雪花當我前雪花爭似筆花好玉龍百
萬一筆掃詩成日出光杲杲鳳鳴一聲天下曉

何鳴臯

字九峯涇陽縣人同治己巳補行壬戌甲子科舉人

春遊

雨後春光透碧空
九天明日又輕風
鶯梭織柳吳綿白
燕剪穿桃蜀錦紅
沽酒壚喧游俠客
買花女喚隔籬翁
馬嘯得意疾歸處
一曲長歌夕照中

春日過山莊

何鳴臯

幾處茅檐界短牆
環門一望野花香
鷄豚點綴桑林外
砧杵縱橫溪水傍
作出田翁鋤荷笠
歸來少婦菜盈筐
羲皇得領真風味
絕勝囂塵市井忙

費

灼

字陶軒涇陽縣人
同治癸酉拔貢生

擬杜陵諸將

五首
錄三首

秦火重逢劇可哀
神臯千里變蒿萊
和戎開府賊中沒
奉詔將軍天上來
老穴掃空三窟兔
前鋒威鎮一聲雷
逆氛指日歸消滅
猶

聽行營鼓角催

將軍無敵信如神誓滅強梁不顧身自古孤忠仇漢賊至今遺廟
泣秦民灞陵一戰愁飛雪回紇千羣驚破塵不有臨淮諸勁旅誰
驅病虎渡河津

回首滄桑感不勝烽烟猶鎖漢雲陵秦關百二今何恃越甲三千
久可憑辦賊功看良將奏屯田利為小民興他時偉績知多少一
日雲臺接跡升

留別諸生

費人灼

人生根本在倫常富貴煙雲過眼忙今日作人惟孝弟他年報國
是文章才華富有成科第學問空疏等面牆臨別數言須記取讀
書切莫負時光

張祿堂

字福田大荔縣人增貢生同治時以軍功游保
知府著有省齋詩存八卷事蹟具人物本傳

姚節婦詩

序有

節婦蒲城人歸大荔農民姚某爲室年二十三寡撫族子
成立針黹績紡養姑二十年姑死投墓以殉員子西垣爲
余述之因系以詩以待采風者事在光緒七年

幽蘭弱蕙雪霜姿十七嫁作田家婦堂上有姑室有夫入門卸妝
饑南畝一朝鏡破失所天黃鵠宛頸甘獨眠可憐死者長已矣誰
送阿姑歸黃泉涼月橫天照窗紙古井波寒誓不起牀頭驚夢今
荒涼宜男花謝未結子嗚咽不敢吞聲哭恐驚慈夢醒破屋傷心
抱得螟蛉兒脈延宗祀勤顧復年荒米貴爨烟絕饑腸恥向戚鄰
說巾箱典盡嫁時衣日博甘旨白華潔朔風獵獵撼林表堂背萱
花忽摧倒麻衣血淚浸桐棺未亡人事尙未了緩卜牛眠覓吉地
紡車夜夜碾燈穗換得市上青銅錢儲作他年葬姑費膝前嗣子

漸成立婦職母儀兩無失瑤池冰雪鏤心肝可表青天誓白日紙
錢薤露飛荒村泣送靈輿歸墓門執紼嗁斷杜鵑血日月慘淡天
地昏翻身慕向窀窆躍二十年前踐舊約貞魂一縷還太空留取
芳名煥闔閭君不見丈夫鬚眉惜一死奇節乃在弱女子千秋青
史偷生人甘讓巾幗振倫紀吁嗟乎甘讓巾幗振倫紀

烏拉特

張祿堂

出塞三千里北庭別有天沙深埋壤鏃冰裂見流泉蒙族氈爲帳
邊民駝種田受降尋古址雉堞隱寒煙

什巴爾臺軍次

張祿堂

月明青塚傍黃河萬竈炊煙沸鶴鵝紅柳林深嗁怪鳥白榆關冷
臥明駝塞垣雪擁氈廬矮河套沙埋戰骨多撩動邊愁眠不得番

兒滴淚唱聲婆

自注
一名聲婆

白猴屯過羅縣丞殉節處

序有

張祿堂

羅公諱以丙雲南景東廳人由附貢除大荔縣丞同治元年回變攻陷羌白鎮公督鄉兵力戰而死事聞贈鑾儀衛經歷世襲雲騎尉

紅羊劫火照蒼苔
檮面花門動地來
未吏衣冠光碧血
荒屯草木黯黃埃

聖朝寵錫褒忠典故老
爭傳禦寇材他日
桐鄉崇廟食招魂重賦楚歌哀

雷鍾德

字仲宣一字禹門安縣人同治己巳舉人辛未進士翰林院編修擢四川成都府知府著有晚香堂詩草

五卷事蹟具人
物本傳

咸陽原歌

咸陽原下風日昏
咸陽原上多大墳
不知何年瘞誰骨
惟見斷碑

殘礎縈蔓根披剔苔蘚字難辨風雨剝落日炙薰土人爲言累累
者傳聞似是隋唐以來之戚勳生前華屋豔歌舞身後荒邱一杯
土秋風石馬臥欹仄斜陽翁仲寂不語官爵沈淪姓氏湮空令遊
客來弔古來弔古弔咸陽咸陽自古宅帝王攀龍附鳳盛豪傑大
冠長劍多金張春草茫茫人代速雉鳴狐嘒玄媛哭今人弔古後
弔今世事百年車轉轂君不見咸陽原上無涼燠

武功弔康對山

雷鍾德

末路詞人賸草萊蘭臺門望楚騷哀千秋功罪緣鄉黨一卷文章
見史才生有琵琶能擊客死餘腰鼓祇封埃漆河一夜潺潺水鳴
咽疑從北地來

秦穆公墓

雷鍾德

橐泉宮殿黍離離往日英風尙可思黃鳥應非明主意碧雞何處

寶郎祠關河霸王獨千古臣主遭逢自一時
檢點殘碑披蘚讀二陵風雨正淒其

紫柏山留侯廟

雷鍾德

紫柏山空大樹盤泉清石白鳥聲歡到來似有神仙意憶昨初過
大將壇潭底潛龍惟是睡洞中飛鼠已無餐功名智勇何須較一
去清風萬古寒

班定遠

雷鍾德

才俊高門絕輩流父兄作述自千秋男兒別有出奇法手取人間
萬戶侯

毛椎一擲去如遺翰墨旗常不並奇殺賊歸來草露布驚才誰似
傅修期

萬里功成望玉關可憐絕域夢刀環蘭臺續史筆猶在更與投章

乞放還

姚

焱

字曉林涇陽縣人同治癸酉舉人

春申浦懷古

吁嗟乎黃歇才何拙李園計何譎
牝雞司晨長婦舌一聞暗欲神
器竊可憐衣濺血非族隨之滅
後嗣既已絕此冤無人雪使心堅
似鐵富貴不中熱靖共爾位守臣節
千秋姓名垂芳潔

途中書懷

姚焱

行行隨處駐征輶重疊雲山秀色饒
古樹心空風欲折殘蕪根斷火曾燒
難將客思和塵澣賴有詩情待畫描
一縷炊烟墟里起亟投旅店度清宵

過楊椒山先生讀書處

姚焱

斷堞頽垣賸劫灰驅車過此屢低回
封章彈佞真肝膽都自茅茨

坐誦來

河南府謁二程邵朱祠不果

姚焱

虔心步謁四賢祠底事門扃未許窺貪看殘碑將沒字夕陽影裏

立多時

呂申

字紫玕臨潼縣人同治癸酉拔貢生光緒丙子舉人舉孝廉方正官山東平陰縣知縣莒州知州著有華潔館

詩鈔三卷事蹟具人物本傳

慈恩寺

慈恩古浮圖突兀凌天半登臨眼界開萬代昏晝判居然羽翼生
此身置霄漢高會勝登仙奚被浮名戀幾輩此題名秋草同腐爛
傳者今何人碑字多漫漶七級獨巍然南山同永奠俯視塵埃間
蠻觸付浩歎剛風天際來落雁雲邊斷

為劉煥堂孝廉繪荷鋤望杏圖因題

呂申

結廬在城市而喜田園樂素心夙雖違神每契耕鑿世風日以變
古制浸彫削觚哉孔父歎染絲墨子愕奇巧不足觀士夫實首惡
因之悅田家矩矱猶存畧當其真境會畫筆難摸索其人古道存
其器先民作守樸無听夕機械何由著一犁春雨足新苗如筍籜
撫隴散百憂鼓腹何裕綽霏霏杏花紅照我席上酌舉杯邀鄰叟
醉語都不縛牧笛時來侑塵鞅遠相卻無榮亦無辱長此甘藜藿

內邱道中

呂申

野曠天初暝艱哉今夜行叢林愁伏莽斥埃久無兵露下星躔冷
沙飛雁陣驚遙遙一燈影應是內邱城

泛錦秋湖

呂申

葭葦蒼蒼徧水涯水居結艇便爲家鴨能人語浮蓮渚雁破炊煙
出蓼花薄暮歸船收芡藕常年羹飯飽魚蝦何當泛宅長來往細

兩斜風度歲華

焦繼華

字宜春渭南縣人同治時貢生兩任潼關廳訓導
著有亦耕草堂詩集四卷二集二卷外集二卷

擬白香山重到渭上舊居用原韻

我愛渭陽宅宅近斜陽渡宦遊冠冕客駟馬他鄉路十年歸去來
鶴鳴埵封處依稀楊柳煙惆悵枌榆樹鄰里貽酒漿姻婭迎婦孺
荆班草莽墟劍掛麒麟墓何異彭澤居桑麻不能去人生如過客
羲和馭難住酒酣歌一曲鴻飛隨所遇欲展霖雨思童顏遽衰暮
芳草綠未歇遠山青無數仰覽元象峯插地雄如故

山莊

焦繼華

鷄聲隔岸出桑麻蝸舍茅檐茂樹遮綠水蒼山環遠近紅塵不到

野人家

馬承基

字培卿隴州人同治癸酉拔貢生
官四川直隸州知州有詩集未刊

擬杜少陵前出塞九首

荒沙暗漠漠故壘秋風寒萬里荷戈去匹馬征衣單吞聲辭父母
回首增辛酸君王勤遠畧何日平樓蘭

去去復去去此行征吐蕃冰寒隴山道仗劍出玉門男兒沙場老
生死安足論白狼河遠近戍火亂平原

三尺鐵如意一枝玉馬鞭朝發陽關道暮宿葱嶺邊悲風鳴大野
落日照炊烟丈夫期報國馬革裹尸還

夜半鳴悲笳凌晨擊戰鼓飲馬浩疊川枯骨紛難數借問此何人
云昔征驕虜主將成奇功那識戰士苦

飛雪擁甲帳嚴霜凝毳褐羶腥與酪漿聊以充飢渴馬上髀肉消
甲冑宵難脫倚劍望鄉關太息音塵闊

烽煙暗青海殺氣覆黃河旌旂似雲布壁壘如星羅將軍操勝算

壯士爭揮戈健兒營門外齊唱伊涼歌

胡騎日衝突塞上驚風沙嗟哉戎狄患秦漢已相加豈無防邊策

拓疆志太奢受降城誰築虜道可全遮

擊斗巡轅門枕戈臥毳幕邊聲忽四起十萬妖氛惡大帥意暇甚

伏騎縱抄掠擒得名王歸羣胡盡驚愕

從軍十年久萬里家山遙大小數百戰碧血凝寶刀誰無尺寸功

上邀九霄襲胡塵未全掃小勝何足高

宮炳南

字伯明
光緒乙酉舉人
縣人

岳忠武先後出師表墨蹟歌

蜀西宋南偏安耳中原陸沉竟如此出師未捷誰爲乎兩朝忠武
同一死侯兮有廟祀南陽煌煌兩表鑿巖廊王兮無端過此宿讀
之潸然涕泗滂夜深涼雨淒以清揮毫落紙神鬼驚大筆淋漓盡

忠憤行間字裏生氣生誰謂人力難回天丹心不轉如石堅報答
君親斯已足成敗利鈍徒紛然吁嗟乎成敗利鈍難逆觀侯兮王
兮並千古我讀墨蹟想其人夫是之謂忠且武

梁積樟

字幼海鄂縣人
光緒間舉人

漢宮春柳

自注用漁
洋秋柳韻

寶鴨名香蕪返魂東風寂寞掩閒門幾回飛燕窺簾影數點啼鴉
帶雨痕盡日春深長樂殿誰家人住莫愁村枝條已是風流甚張
緒當年未可論

長條歲歲閱星霜
流地仍垂脂粉塘
指冷玉笛吹別院
衣愁金縷疊空箱
眉舒地已非秦苑
腰細人誰說楚王
畫棟雕梁春欲暮
看花不憶碧雞坊

昭陽侍女護朝衣
夢見君王覺後非
縷縮黃金閨怨永
門深青瑣

詔書稀笙簧玉殿春鶯曉簫鼓琳池畫鷁飛鳳輦不來芳草歇宮
花搖落意多違

絲絲搖落劇生憐百尺高樓擁翠煙愁見落花猶似錦不堪飛絮
已成綿歌傳芳樹應三疊春入長楊又一年是否向來人字樣而
今猶在鳳池邊

張殿華

落花三首

幾日濃陰幕晚烟無端風雨妒花先鶯捎墜粉黏芳草燕蹴飛紅
落舞筵三徑餘香金谷酒一溪流水武陵船可憐遍地胭脂溼何
事春光不少延

又是春風柳絮飄綠肥紅瘦雨瀟瀟香飛水面文章活春減枝頭
粉黛消到處離觴憐客醉昨宵高燭爲花燒紛紛粉蝶過牆去更

展窗前數尺蕉

香風陣陣撲簾旌
幾瓣殘花落處輕
碧玉昇天空有夢
綠珠墮地暗無聲
一溪流水添紅雨
三徑蒼苔襯絳英
蜂蝶不知春意盡
翩遷猶自鬧新晴

訥爾吉善

陝西駐防旗人
同治時貢生

詠菊

珊珊瘦影何妨淡
落落孤心本自丹
差幸有香貞晚節
不從荒徑怨秋寒

繁華刊盡毓奇英
名士手神隱士情
見說梅花同此骨
傲霜凌雪並崢嶸

炎涼閱後心偏靜
清白傳來氣益芳
但使主人同靖節
不應惆悵憶柴桑

黃花萬朵戰西風俗豔全教一洗空俯仰千秋兩知己陶公而後
又韓公

少陵心事苦相縈今日花前酒一傾北雁不來霜信杳屈醒陶醉
總關情

何元溥

長安縣人
治時廩貢生

擬曹唐遊仙詩

錄十首

貝闕瓊宮幾見秋春光常駐翠雲樓丹砂餌後顏如玉不信人間
多白頭

欲折芳馨遺所思碧桃紅杏未盈枝青山一別無消息辜負劉郎
再到時

玉局丹房住幾年聚如風雨散如煙空中那有駟車至一落塵寰
便不僊

玉佩星冠雜坐時
西池侍女漫彈絲
雙成製就霓裳曲
若個知音爲解頤

孔蓋紛紛擁翠旌
荷衣蕙帶感山精
文狸赤豹陰崖放
騎向人間問屈平

玉洞傳聞桃又花
天台重到路應差
山中猿鶴渾相識
一例隨人躡暮霞

醉倚雲林種紫芝
雙鬟縹渺畏風吹
殷勤護惜長生藥
多恐閒愁逼鬢絲

鬢髻雲鬟醉半醒
羽衣玉塵立璇庭
煙寒月冷秋千里
時引飛龍下紫冥

虛空風勁練裙飄
赤鯉青虬載玉簫
上界高寒儂自返
一天涼露溼紅綃

曾經百煉養黃芽無鞅鄉中便作家擬挈玉壺來世界仙凡一例

醉流霞

彭齡

字夢九沔縣人同治時歲貢生著有漢水考
齡一篇夢九沔縣人同治時歲貢生著有漢水考

松林驛

霜天夜落五更風得得行來鹿砦空竹屋幾椽如畫裏芳溪萬轉
過裛中園蔬棋布蓮花白山菓珠纍柿樹紅驛路彎環渾不辨人
隨流水自西東

疊晴川師五日感賦原韻

彭齡

三十年華轉瞬過入吳尋陸悔蹉跎何休箋注勞傳授自注子貞

文注疏 蔣詒文章費網羅古文注考據師教以 眉樣淺深入時少心

花開落讓人多登龍從此金針度不作秋風賈島歌

八載秦川蜀地過漢川風日歲蹉跎重闈佳節思孫子一領征衫

換穀羅久客情知歸客好顯親心比養親多梁公雲望各成感詩
酒歡呼賡載歌

徐溝道中感賦

彭齡

野曠天低人影單一鞭馬首太原寒壁聯日月唐虞夏瓦裂河山
趙魏韓桐葉封餘周代守李花開過晉陽殘輕車就道行遲緩滿
眼興亡壓錦鞍

閻迺旒

字競甫朝邑縣人同治丁卯舉人戊辰進士
翰林院編修事蹟附人物閻敬銘傳中

色空篇

色非色空非空佛說本與儒說通色即空空即色如來妙法孰解
得前日瓦礫今樓臺前日桃李今蒿萊世事循環妙無盡夢幻泡
影安在哉况此齊姜與宋子走肉行尸而已矣胡爲豎子徒喧逐
昧卻達摩說法旨達摩本是清淨身妙蓮持手三千春九精進根

培淨土八功德水洗劫塵安得聽法一赴靈山會得得長登極樂
界使我結習俱盡煩惱除色兮空兮兩無礙

張惟一

川字个臣長安縣人同治庚午舉人官四
彰明縣知縣著有灰餘詩存二卷

過張文毅公故里悵然有作

張公豎義鐵爲腸歷官清要攝封疆屢禦巨寇驅虎狼卒何身界
犬與羊中途愴變出倉皇張公處之特崛強知機不早殊可傷是
誰單騎誤汾陽多軍入關天討彰屠賊十萬不足償至今會省有
祠堂歲時空設俎豆香回憶同僚舊偕行庸庸多福豈有常坐擁
厚祿千萬箱長享富貴壽且康公家乃無擔石糧昔日門第今榛
荒彼此遭際異炎涼天若有意爲低昂我欲搔首問蒼蒼勳臣之
後胡不昌吁嗟乎勳臣之後胡不昌

戴幼安故人約遊書感

張惟一

志與風塵忤飄然曳杖還居身仍白屋到眼有青山多事經遭忌
無才得養閑故人能不俗招我水雲間

戒兒輩早仕

張惟一

山中樛櫟豈長材莫漫輕身出草萊居室易談當世事為官常屈
使君才兼葭秋水蹤何祕桃李春風眼倦開冠蓋古今滿天下龔
黃以後幾人來

高岳崧

字峻生長安縣人同治辛未甲第
進士官翰林院編修詩稿未見

山果

鄉味飽山居離離密間疏只應隨雨墮誰為帶雲鋤實落猿爭拾
枝垂鳥啄餘足魚何必羨風味勝園蔬

松影

高岳崧

疊疊重重路幾灣參天秀色入禪關半潭碧漾龍鱗淨滿地青搖

續文西通志高 卷二百一十 文徵二十 二九

鶴夢閒濤捲空庭山客至月篩花徑寺僧還每當采藥人歸去看
不分明落葉殷

李夫人月夕畫竹

高岳崧

寂寂南軒對月華蕭疏畫本好塗鴉果能醫盡人間俗不負嫦娥

共一家

楊鼎昌

字種珊長安縣人同治甲戌科進士官四川資州直隸州知州候補知府著有詩集事蹟具人物本傳

麥客行

客從遠方來襤被一何苦秦山隴水間結伴或三五荷擔復腰鎌
傭僱寄簷廡艱難命轉輕血汗瀝日午豈無故鄉田苛政猛於虎

菊影

楊鼎昌

石欄閒倚意遲遲看到霜濃月上時花氣空濛都入畫秋心冷落
却宜詩一籬夜色蛩無語滿地香痕蝶不知料得捲簾人獨立幾

番惆悵怯相思

檉杪如畫滿東籬傲得濃霜冷不知倚枕應添花下夢
插頭欲落酒中枝一簾骨瘦燈移後三徑香寒月上時
似與陶公相寫照風前幾度費尋思

雪中觀獵

楊鼎昌

慘淡雲容合萬山平原風勁角弓彎不知白羽沒何處
忽見盤雕落草間

長安月

楊鼎昌

慣隨琴劍閱年華客裏光陰百感賒幾日春風花走馬
一庭涼露樹棲鴉萬千門戶開菱鏡十二樓窗暈茜紗
相憶應憐小兒女更深憑照夢還家

韓文選

涇陽縣人光緒乙亥舉人

聞秦川大雪有感

佳音忽報長安雪客館初聞淚滿巾漫道遊人都戀蜀誰知天意
不忘秦前圖雖繪流民狀捷報偏生旅邸春問我歸期難預定先
呈俚句慰同人

姚自注時余友自作聖為社樹
西席余走書致問因贈之

春日偕振之閒遊

韓文選

無事僑居鎮日閒當春攜手步松關暢情快聽花前鳥多趣貪看
雨後山夾岸天桃紅少好一渠清水碧潺湲武陵有路須偕往向
我秦人問訊還

登會館後樓遠眺

韓文選

百尺危樓靜不囂登臨步步出層霄桃都笑解風前罨柳更纖垂
雨後腰野水頻添田水滿秦雲直接蜀雲遙依稀此景家鄉似絕
妙流光未易描

劉三鎰

涇陽縣人光緒乙酉舉人

紅拂

姻緣義俠兩心同物色風塵識衛公擇木良禽欣有託女兒巨眼

亦英雄

病中

劉三鎰

人生難得古稀年癡愛貪嗔百慮牽身病易瘳心病累方知體健

即神仙

郭家駒

一名崇鼎字寶卿岐山縣人光緒乙酉舉人著有松竹館詩鈔一卷

秋月舊友歸家次日即行賦此誌別

此時分手去何日又相逢舊雨經斜徑殘雲戀遠峰孤燈明旅舍

落葉亂行蹤屈指還鄉日遙遙近孟冬

又道征西去離談不忍聞竹窗鳴夜雨花徑暗朝曛望望稀人跡

迢迢盼雁羣思君修尺素寄與隴頭雲

客居有懷

郭家駒

鶯巢借得一枝棲怕聽寒鴉向晚嗁不敢歎嗟家舍遠有人還在

鳳城西

吳

堉

字普笙乾州人錫岱之子光緒己丑舉人官同官縣教諭著有師竹齋詩文集四卷事蹟具人物本傳

偶成

志士多好奇浪跡窮山水山可擴胸襟水可消渣滓我亦有敝廬
囂然近城市足肯挿紅塵行無妨素履恍探瀛海幽如睹泉石美
衆綠滿庭除晨夕讀文史放眼獨千秋騁懷馳萬里藐焉中處身
昔賢皆知已柴扉鎮日關風波平不起暮鴉宿林端午鷄鳴竹裏
明窗淨几間晤言竊自喜鳶飛魚躍象如斯而已矣何必歷寰中
登臨勞行李臥游與往觀動靜原一理

野步書懷

吳堦

緩步斜陽裏風清麥野塵
青山人荷笠綠樹鳥鳴春
事業千秋案乾坤七尺身
歸來移小榻展卷幾吟呻

三閭大夫祠

吳堦

行人駐馬夕陽亭祠謁三閭
涕淚零絕代文章歸楚客
一生忠愛託騷經高冠岌岌
雄心在濁世垂垂老眼醒
哀怨鷓鴣聽不得汨羅江
碧九嶷青

雜感

吳堦

冉冉光陰去不留百年哀樂
感浮漚野橋流水看兒戲
驛路垂楊感客愁宿雨初晴
苔徑滑孤村欲暮荻花秋
甘涼烽火君知否唇齒秦中
切近憂

山居述懷

吳堦

寒溪流水碧潺湲終歲耽情筆硯間縱目羣書聊免俗留心時事
不爲閒勤培子弟經傳席懶逐交遊晝閉關牧笛一聲秋草綠暮
鴉衝斷夕陽山

塞上雜感

吳堦

聞道天山五月寒黃沙滿目路漫漫行軍莫恃秦關險叱馭何知
蜀道難萬里長城催晚角十年戰士抱征鞍戍樓日落秋風緊坐
擁重裘覺袖單

董子祠

吳堦

荀卿高論渺衰周洙泗眞源障不流獨向漢廷明道誼遙從秦火
續春秋學高諸子儒風振氣折驕王化雨柔下馬長安陵上望荒
祠歷歷鎖松楸

文中子

吳堦

門牆羅列盡公卿西入長安策太平三十三年聞道死顏淵以後
屬先生

明妃怨

吳堉

白登失策肇和戎妾亦何心怨畫工一曲琵琶聽不斷西風吹到
漢家宮

非關薄命嫁匈奴祇少黃金誤畫圖萬里精魂沙磧冷年年青塚
一星孤

嚴

遨

原署正後改知縣著有貴園詩鈔五卷補遺一卷事蹟

具人物本傳

終南圓明寺題壁

達人與天遊林壑寧非惜鳩嘯王侯門秋草長安陌高揖謝組圭
我本漁樵客夢斷謫仙樓心飛康樂屐曠岵面南山雨後新浴碧

寒霞明滅間萬仙醉朱液蘭桂馨太古借問誰抱壁五陵北原遙
回首漢唐迹石麀折其股感歎黃屋窳

煙樹曉猶暝萬籟孤夢醒忽聞鸞鶴笙知是終南徑黛掃三十里
天風飛客興羣寺金銀開嶺回萬笏豐晴瀑挂簷高亂霞抱費互
鴿王伏聞經龍女側鳴磬諸祖西方來花滿鳳驂乘我有千金珠
峨眉蜀僧贈持以獻旃檀神光儵無定

旃檀忽無見萬松濤雪寒層嶂爽秋色蚓行客槃跚鳩鵲瀟瀟聲
懍恍何處巒黃石出橋頭笑云天路難時度幽峽覘怪葩豔成團
伯益不能詳景純未及觀苾虺邈飛榭溪縈拋琅玕饑有石髓食
渴有瓊漿餐嗟彼越隙兒汗血蒲桃鞍祇知醉蛾眉巖阿豈所歡
豪華一萍耳奚若求金丹

大壑青茫茫雲失琉璃殿客路縹緲中夕陽日暝眩何年巨靈怒

鬼斧指揮斬膠鬻隨鈎梯磧坳起人面仰攀義馭行俯從僉騎轉
逆折巘窳隆倒穿樹葱蒨天樂忽當頭彩紅夾日炫仙人五色隊
飄飄去如箭東林有肉芝殷紅貴於弁咫尺欲采之迴身遂不見
亂崖怒如馬奔赴寺圓明夜投南閣宿星斗落戶鳴拂面瑤草馥
濯手銀漢清敞軒望空際月華五臺生一唾響珠玉麻姑攜飛瓊
彈罷松下瑟隔溪呼我名惆悵鷓鴣曉乃是夢中情

朝來望吳嶽長風萬里雪二華晴旭開涇渭一氣泄衆峰此建瓴
蟻視豐鎬別西上文殊臺秋色天地潔僧云夏之仲靈秀此間絕
池荷處子豔火榴把手熱菩薩朝說禪袈裟紅下列香霧千萬峰
笙歌處處迭頗酬安石懷且訪葛翁訣願爲老列徒安問堯與桀

同州聞從大父中丞凶耗哭以詩

嚴 邀

莽莽沙收日孤城慘客身帝方思輔弼天忽厭經綸五嶺雲成墨

三巴草不春子規啼血夜愴絕洛流濱

三默蠻荒遠騎箕侍鼎湖羣陰深闔閉一痛老臣孤燕薊新鸞誥

獐狝舊虎符轉歸原不惜正氣在吾徒

開府昔江夏滔滔萬里營上游迴北顧諸將遂東征乘筴魚鹽利

均輸穀帛平似聞論功日蕭寇已歸耕

自注繼胡文忠撫楚大軍無後顧之憂未及平而免

飢溺中興業知人自益陽豫荆昭火烈江夏不瀾狂循吏親心腹

流民悼肺腸飛書西事急推轂慨馮唐

自注同變急首疏薦多忠勇

萬古黔中郡雲愁霧雨淒軍饑老羆虎節落侮鯨鯢傳檄喻三載

使臣徵五溪天王明聖遠雪涕夜郎西

落月花卿曲成都亂後春三朝焚諫草萬劫作詩人舟楫酸通楚

關山病問秦懷中先帝詔嗚咽欲沾巾

闔外思檀急朝端召賈遙直聲辰北豸雄插日南貂封事夷英法

垂衣女舜堯白頭羣側目奈爾鱷還驕自注密摺以國恥為言

疾惡蒼鷹鷲彈章未及嗟自注時擬劾某而卒蓋棺羣下慶歸櫬庶民

髮余也秦關滯天平粵嶺遐傷心沙苑柳風起向西斜

送馬伯蘇還燕

嚴遨

黑髮飄零亦變絲巴猿腸斷故園思碧波萬頃芙蓉國黃葉千林
鴻雁時秦苑夕陽愁裏笛晉陵秋雨客中卮君看買骨昭王後草

滿荒臺縮別離

郭筒有酒莫辭醉十年心事一燈秋探梅難共利名客愛菊強登
疾病樓豈謂知音空冀北可憐作賦滯荊州燕山親友如相訊為

語江湖鑄劍愁

劉光蕡

字古愚一道字煥堂咸陽縣人著有煙霞草堂集十卷事

具人物本傳

潼關

潼亭暮雲白董舍朝霞紫社中樹莽蒼社外煙迤邐問彼里中人
鱸堂有遺趾學足感靈禽道難孚豚豕泰山北斗高青蠅紛集矢
政未出帷闥竟煽王室燬炎運不重光公甘飲醜死滔滔逝頽波
孰挽東流駛大鳥胡重來清白傳孫子君子履危朝能爲僅若此

楊太尉
講堂

明新巋然峙明社久已屋東林倡宗風西京繼芳躅是時遼海傾
天宇將翻覆經撫同日逃公聞仰天哭忠邪兩途分善利一念卜
洒恥修忠孝教戰盟幽獨聚彼屯衛士明新講宜熟天意覆明祚
權奄肆殺戮一網盡哲人大廈壞梁木我今庇宇下詩書恣披讀
海鯨揚腥風東來昏函谷孰爲啓公靈良知訓往復馮恭定公書院
弱歲窮經史華年綰關符瘡痍幾子遺堯舜其病諸關民困飛輓

公來力爲蘇政暇集賓佐歡宴城東隅選刻前人作似爲來者模
公意別有在俯首久踟蹰風詩達民隱政本不可誣治績燦人口
拂衣賦歸歟徒步蘇門山師資宗大儒聖人正當陽皇路敞天衢
鴻博分史職清操賦東吳東宮輔導職期公爲臯謨乘時竟所學
世胡不唐虞宵小潛媒孽明良交有渝哀哉通州宴正氣還太虛
我對公遺刻隱隱起頑愚詩書千載業孰非聖人徒

湯文正
詩

人生愧不學不愧未爲政洙泗述唐虞導源昆侖正派流遠以分
門戶日相競性須道問學學以尊德性殊途可同歸胡爲相詬病
矯矯陸先生名與睢州並惜哉衛道力詞嚴氣尤盛巖巖立先大
惶惶王在敬範圍會皇極世宗眞大聖同日祀兩廡同爲熙朝慶
潼人祀湯陸隱若遵功令俎豆一堂間純疵可互證佛燄漸消歇
景教成後勁非儒祖墨翟奪民逞強橫寄語講學翁簡易宜尊孟

緡陝西通志卷一百一十一
三六
毋操同室戈授與他人柄一語致良知急收吾萬姓請看潼名宦

湯陸相輝映

陸清獻
提學

老羆當道臥歌

劉光蕡

青雀羽翻化鸚鵡河嶽晝夜紛豺虎撼山聲勢不可當老羆橫身
臥三輔甲厚皮粗骨如鐵縱目睥睨百獸絕細看頰下筆生花疑
是洛陽貉子血貉子昔年乘虛來宵濟梯城城門開是時老羆臥
忽起袒身大呼聲如雷今年貉子行何猛不知此是王羆冢欲生
勿來欲死來來試老羆發神勇華州形勢蔽長安寄語黑獺心膽
寒直以狐類視高歡老羆解衣且盤桓此道應歌行路難藜藿不
采風嘯乾臥羆臥虎一例看嗟哉黑獺似犬非龍蟠君不見當年
龍臥鼎足分一生惟識劉使君狐媚曹馬何足云爲問老羆聞不

聞

遊潼關雜韻五首

劉光蕡

長河滾滾撲關來，倒瀉龍門兩岸開。
瀕死阿瞞終穩渡，潛軍貉子竟生回。
吳兒魚貫驚奇險，齊客雞鳴詫異才。
無限深憂仍北顧，壞雲隱上白龍堆。

蒲坂

列屯置戍備嚴關，絕塹天成禁往還。
稅使權嚴迂徑闢，府兵籍廢土身閒。
從來善守須爭險，誰謂憑城勝倚山。
歸路無端深歎息，遺蹤形勢兩溝環。

禁坑

黃流左掖右肩山，插地孤城道曲環。
西蔽長安三百里，東當函谷一夫關。
嚴更莫被荒鷄誤，野幕曾聞戰馬班。
用險惟推王智積，功

成毒詈解人顏

城堞

敗軍自古難言勇，用險從來貴有人。
烽火甫聞先破膽，水關爭挾誤全身。
金湯竟少丸泥用，籌策空勞社稷臣。
遙望雁門雲暗澹，忠

魂夜夜泣潼津

水柵

海水橫飛海霧昏迴風西轉撼崑崙
祈靈華嶽神仙掌爲向蒼梧
叫帝閣十二齊關餘半壁
一丸函谷備三門
深心守險須雄畧
潼水東流有萬村

舊關

翁安吉

字仁山咸寧縣人光緒乙亥舉人大挑二等
官定邊縣教諭著有遜明書室詩鈔二卷等

茅津夜渡

未借黃梁枕旋入紅蓮幕但愁世路難
敢畏風波惡舍田不自芸
嫁衣爲人作日暮欲何之窮途自斟酌
招招叩船舷泛泛不得泊
星斗久低昂篝鐙出墟落月黑岸欹側
心怯馬騰躍古人濟此津
英姿常如昨今我來河濟但聞蛙閣閣
入門結主歡山樞日喜樂
詩宗追劍南書擅元和脚主稱雲間
鶴行將筆硯焚
安事空持橐所幸接塵談屠門得大嚼

擬昌黎秋懷詩用原韻

翁安吉

田家望秋成坐視黍嶷嶷終歲頗勤動過此曷維已我稼既同登
我蔬摘蒼耳胡爲百感生涼風天未起調調將毋同發發渾不似
人生各有營少壯安足恃日短良可惜胡不繼先軌何當數晨昏
永日且以喜

我與我周旋眞率學羊曼但吟黃葉詩不用青精飯君子素位行
此外非所願出門將何營感時胥用勸有時還讀書秋鐙卷破萬
古人獲我心尙友資文獻庸知天地間汲汲事恩怨

夜迥四山空秋高鶴唳警螢火往來忙駒陰朝夕永不圖霜華重
半雜風力猛何必夢黃梁新炊糜如綆代爨無盡期幽居有厚幸
可以調素琴塵緣胥退屏

豈不愛長日或恐辜短景鐙火況可親孤月尤炯炯如彼草蟲鳴

嘔嘔依斷梗安事汗漫遊蹙蹙歎靡騁學易猶假年今願竊有請
欲問夜如何風雨愁鐙暗打窗已如此破屋猶有憾沈瀟與時行
高明防鬼瞰斯人誰共聞心每遊於淡誠得氣之秋不患窮斯濫
祇此判炎涼何須論久暫待擊中流楫安用繫船纜人煙與秋色
流轉如推勘禦寒無長物綠酒儲滿甌

蟋蟀只吟秋何似春聲好我生亦有懷逢時苦不爽氣徧西山
豈能長相保悠悠日月逝坐愁形容槁唧唧此中語無爲外人道

秦中詠古

翁安吉

不獨淮陽報久安便宜發粟憫凋殘功歸社稷曾持節敬起朝廷
爲整冠天子知臣能臥理將軍揖客慎交歡相須况乃逢今日直
諫先應肅庶官

一去胡塵十九年孤臣日月望朝天雁歸欲寄因書絕羊牧猶存

仗節全自分此身終齧雪不圖衰貌上凌烟河梁亦有傷心侶屬
國頭銜莫浪傳

不須輸挽向金城儒將風流擘畫精報國有能資捍圉實邊無擾
但催耕迢迢一騎陳方畧落落千秋仰令名聞道屯田諸將在幾
人得似漢營平

道出宏農展舊祠先賢清白信堪師家風好待社三惑暮夜偏能
慄四知鱸集堂前覘物性鳥來墓上繫人思綠槐莫道人如市願
與生徒共下帷

周斯億

字 曉 生 涇 陽 縣 人 光 緒 乙 卯 舉 人 官 直 隸 曲 陽 縣 知 縣 事 蹟 具 人 物 本 傳

登岱嶽

昔年謁聖陵徑度泰山側中宵風雨來登臨竟不得倏焉二載餘
奔走賦於役趁此清和時飽看嶽雲色拾級聯步升快意防傾側

亭閣相鈎連峰巒宛闔關怪石當道橫峭石倚天立肅然若爲客

相讓還相揖瀑布九天垂玉碎浪翻白危橋一綫通樹駕影含碧

十八盤又盤直上竭心力三門喜當陽自注有天三門曰一朝天在咫尺

尺日觀絕自注亭名在東光且華雲洞靜而默摩挲無字碑自注內藏金泥玉檢

省識暴經石剛自注古隸書如斗天下小何如孔意孰能測齊魯奚足

論秦漢等瞬息泰山高可歌上溯新建伯磅礴鍾扶輿洞壑見胸

臆緬彼聖與賢千古同一脈我今幸來東私願步遺跡滔滔運際

艱中天日已昃揮手想陵雲霖雨徧阡陌

謁孔陵二首

周斯億

拂拭征塵詣孔林松蟠柏聳翠森森中開輦路須旋履西度橫橋

却整襟閱世方知名教樂牖民孰契聖懷深掘衣瞻拜斜陽外甫

立門牆感不禁

運際艱危巧換新望洋興歎感沈淪四維崩潰非常痛萬類消沉

太古春天若有懷宏聖域橫自注時外夷雖極強者人將轉眼渡迷津

歸仁化普殊兼愛義重尊王孝事親

周斯依

字篤公斯億之弟光緒辛卯舉人官定遠廳教諭

龔勝

薰以香自燒膏以明白銷聲譽禍所伏節操不可撓一身豈二姓

安車陋莽朝允矣龔君賓青史姓名標

揚雄

周斯依

史魚以尸諫既死猶弗替相如草封禪臨死尙貢媚立節貴及時
無爲世所棄書曰莽大夫置身已多愧艱深傳法言差堪強人意

寇

卓

字立如長安縣人光緒乙酉舉人官四川直隸州知府傳
著有悔菴文存四卷悔菴乙酉存二卷事蹟具人物本傳

冬初喜雪兼寄芝田菊塢俊臣三先生

送君別離後條已經雪霜新知渺無幾舊學同誰商仰見高飛鳥
鸞鳳參翺翔棲息各有託梧桐千仞岡干戈滿天地羣盜嗟披猖
黎元何痛苦伊誰能救康天心自仁愛甘雨施汪洋况復一夜雪
梨花千樹香四郊雖多壘百穀肥稻梁長安好風景清况共誰嘗
感此心何寄聊吟長短章思君寄遠道人各天一方

澧西先生祠堂成芝田學長曾紀以詩忽忽數載每一追憶

心焉嚮往敬賦長句以誌不忘

寇卓

神如龍馬御風行養到深時氣已平慷慨詩歌追李杜

自注著
西草堂有

詩文集

淵源道學溯周程涇干春水千潭綠槐市光風兩腋清回憶

澧西三月候白頭今見幾門生

贈牛夢周同學

寇卓

關中已奪人師席門外旋停長者車輞水雲深詩入畫藍川沙淨

玉無瑕春風滿室吹蘭臭細雨歸程潤麥花
自注夢周歸里料得
日適細雨如絲
芸香高閣處四圍煙樹有人家

再謁武侯祠

寇卓

遠眺層巒景趣殊離離原上草縈紆隆中一對三分局天下奇才
八陣圖祠宇臥龍崇俎豆河山司馬慨樵蘇記曾遊宦成都日猶
見新桑八百株

辛亥八月東關魯齋講社成牛夢周同學邀集同人會講於
此
寇卓

六經灰燼幾星霜好古誰知禮樂場今日崇儒推漢武當年坑士
笑秦皇蒼天猶幸斯文在白首重欣舊學商今古河山幾更變歸
然獨峙魯靈光

題清麓精舍

寇卓

菊花天氣又重陽步步登高登夫子堂美富宮牆窺不見名山萬卷
此中藏

楊蕙字風軒涇陽縣人

詠龍洞渠

池陽谷口凝目望千里波濤瀉濁涇突兀洞門踞虎象蜿蜒渠勢

走龍形沿堤柳色迷秦苑夾岸花光繞漢庭郭馬斗前煙冪冪注自

渠斗有郭野狐橋下玉瓏玲渠上野狐橋琴調綠綺待涼月自注渠源

琴珠落碧巖燦列星自注又有影峙百尋文塔紫自注文塔在南嵐

飛一抹仲山青自注仲山在北鐵鋤舉處雲容暗石堰決時雨氣腥

萬頃平疇開曉鏡重泉瀑布建高瓴禾麻遠近垂朱穎桑柘縱橫

環翠屏戶滿倉箱欣樂利社吹簫管薦芳馨白公繼起砌三閘注自

白公漢時鄭國前驅闢五丁聖世於今多雨露不徒人傑地尤靈